

續修四庫全書

《續修四庫全書》編纂委員會編

續修四庫全書

上海古籍出版社

一四四〇・集部・別集類

笥河文鈔三卷〔清〕朱 筠撰……………一

笥河文集十六卷首一卷〔清〕朱 筠撰……………九九

詩存四卷〔清〕金德瑛撰……………三五三

靜廉齋詩集二十四卷〔清〕金 甦撰……………四一七

笥河文鈔目錄

卷一

擬平金川頌 并序

哨鹿賦

後哨鹿賦

聖謨廣運平定準噶爾賦

聖謨廣運平定準噶爾恭紀 四言詩百韻謹序

平西頌 謹序

恭慶

聖母崇慶慈宣康惠敦和裕壽純禧恭懿

笥河文鈔 目錄

皇太后七十萬壽文 謹序

平定兩金川大功告成恭紀 謹撰紀實一篇

聖駕南巡典禮慶成恭紀 柏梁體詩二百韻

笥河文鈔目錄

卷二

同姓中黃先生之官蕭山教諭乞訪問先世譜

牒為書數則

錢塘吳氏家傳

少婦周記事

庚午科舉人呂君行略

衢州府知府穆菴林公行狀

先府君行述

雅宜山人王履吉借券跋尾 有詩

笥河文鈔 目錄

蔣秦樹編脩墓誌銘

書羅烈婦李事

書烈婦景事

洪烈婦祠碑記 有詞

書趙王氏事

邵念魯先生墓表

博平縣知縣朱正甫先生墓碣銘

吳集潭先生哀辭

貞烈婦張偶姐哀辭

和州二薛孝子祠祠碑記

穎上王貞烈女墓表

卷三

說文解字敘

和州梅豪亭記并銘

先兄仲君行狀

書蕭山汪氏二節婦事

唐彭況權殯誌銘跋尾

漢西嶽山廟碑跋尾

山右三忠祠碑記 有詩

董文敏公御書樓記跋尾

簡河文鈔 目錄

烈婦史氏哀辭

河南道監察御史胡墓誌銘

重刻典復潭柘古刹十方常住碑記

書婺源王 節婦事

麻城梁君客 墓碑記 有銘

朱梅崖先生 墓誌銘

擬平金川頌 并序

皇帝撫天下十又四年神靈威武變化于荒外東自
秦遠西自邠國南自濮鉛北自祝栗四極之民
厥角走脰以犇以从隔耳目惟時南荒小醜
日莎羅奔據金川之險鑿陵洎河麥其封長用
蠶食諸酋長既即天刑更迺下扼上衝恣蠹蠹
之毒以緩銍鋒磨日礪時且闕蜀道
皇帝居于蠅蝟蘄蘄之上神謀天惟曰予

神祖

聖宗既昇予以版章尺土予不得私矧九邊六場使騰

簡河文鈔 卷一

踐于蠻荆予曷上于人人中朝外軍咸用嚴發
於時臣爾丹以某官往臣黨阿以某官往臣赫
德以某官往臣繼善臣楞以某官往刷猛剔謀
咀咀嗶嗶如激而怒同嚴天威越日爰下
明命以大學士臣恒經畧諸軍

天子親授以指畫出玉尊餞之于郊

賜有尙方斬馬劍赤羽白旄熠耀日月鳥旌龍章鱗
張翼舒拏騰婀娜整軍盛服既歷其境一戰北
之是時小金川良爾吉詭綏于我師洩賊以謀
賊用負隅不窺于閭閻老我師恒用

王命數其罪斬爾吉軍中賊大墮魄遂進昔嶺攻巴
郎扼其險害以與賊擒賊羣窟于稠樓圖險自
保恒督軍士用飛礮連擊下其重礮數十恆陵
轟穴填軋吐嘩吹若震天鼓賊大竄乞生降恒
等以聞

皇帝神武不殺

皇太后至聖無不幃載下班師詔賊卒窟穴保命狐鼠
不出時鍾琪在列身自奮激入其巢疾馳至刮
耳厓諭布大義嚴正明白賊迺駭汗泥首惶不
得譚相羅匍地謹獻金佛一尊朱提千鎰面縛

簡河文鈔

卷一

二

爭出是日臣恒臣爾丹臣黨阿臣赫德臣繼善
臣楞次升于帳中卻金受佛桴鳴鏡吹笳磴喧
嘯香氣溢百里外呼聲出天地壺漿之盛幣帛
之美雜遝紛披以馭以迎降我王師金川既平
奏凱論功迺封恒爲忠勇公錫豹尾旂鍾琪加
太子少保鎮其地羣臣加秩行賞有差

皇帝坐于廣殿百卿千職咸來畢朝以吉日上

皇太后尊號行謁

祖陵以告于

廟碣之崇碑紀厥成功臣伏念有殷高宗鬼方逆命三

年克之周之宣王南征北伐鋪敦赫業徐方旣
庭並載于易詩論于孔子以著其中興之盛其
視金川負厥驚險曠年越時罔克底定惟
天子神聖文武將相戮力愜然同威以申

天勦

今令不重布兵不血刃將不代瓜而遠蠻慕德有

苗斯格臣竊以爲當與虞帝誕敷文德同符殷
周以來中興賢聖之主不足方也臣謹作頌一
首錄其實鋪陳

皇帝陛下神畫天策播于金石世世無替頌曰惟

皇既登既雷既霜既雨既風上下四旁莫敢不同海

簡河文鈔

卷一

三

之東南山以西北蜀脰岐頭羽服火食入水而
胎出石以孕零波歸瞰莫敢不聽曰有金川絕
于蜀巴其人不才饗養所家厥先孟獲爲諸葛
擒野狼趨免反覆厥心子孫孫子在莎羅奔欲
雌羣酋雄以獨尊左鄰刺監右邦剝骨衆落其
膽而指其髮鸞口豕腹遂薦上邦蟻不自量將
櫻飛龍母柔而梗母弱而突鬼方三年危地匝
月羣官百司上逮六卿僉曰勿養惡而滋孽萌
皇帝曰俞是惟在予授討于恒爾彼翼羽臣恒出師
帝餞于郊玉樽金罍黃醴綠醪公卿酌之

賜劍尚方孰生異心先斷頂頰恒用

帝命值于左右吉豪扣奸男女授首捷其背嶺賊保

巴郎天兵駢羅驅攢屍藏礮樓百仞賊險是窺

電以光敵雷以聲戰石蜺觸火流金橫河雲烹

星煨衍豁業戕碧晴漆肝跑踈跡顧礮起礪落

通五丁路箇竄無返乃生乞降牽鈴曳毳羣屬

滿筐恒告

天子再搗其發敵我金胄札我羽鏃

天子有命不廛而劉奉

皇太后班師于朝彼豚走豈殼鯨畏謬譏則解網入窟

簡河文鈔

卷一

四

不出小醜大慙感不逃討鍾琪詔之我信女寶

投醢采入直抵刮耳遠蠻慕德孩耄歡喜相呼

精夫率彼央徒被驅舞蓋攘熙奔趨黃金作像

白金爲壽迂我王師厥角稽首爾丹黨阿赫德

繼善往同相臣覲此縛面惟我

皇帝至仁至明將勇相謨金川蕩平

皇帝神斷誅得其辜用當其勲聰明智勇

天命以君躋清擢明剔濁盪垢八風十雨莫不順序

皇帝大武曰惟止戈薄海內外與天清和以舞以干

以歌以鏡坐于元堂受羣臣朝

皇帝大孝

皇太后教自日出所同上

尊號旣昌旣大旣長旣厚億萬斯年用介眉壽

皇帝誠敬入廟以祀絜神侔靈惟天地似惟

祖惟

考惟

祫惟

宗告我功德孔烈且新以施無窮臣辭淺薄慕于風雅

取托經義作頌在下聞古自昔守在四方

皇帝耀德世世永慶

簡河文鈔

卷一

五

哨鹿賦

皇帝法大赤之健，體順白藏之清。時命晉鼓，璫虞旗，遵乎周原。漢京之地，高山大風，顧蟋思惟，所以教坐作，進退徐疾之節。欣然冉三，而稱夫哨鹿之事也。夫以蟋蟀無康之士，中山思勞之婦，有伊耆之遺風，爲仲尼之所取，而況乎

聖人哦日月而鐫，鑄難窮山川而掃迹。凡者哉於時

天地中間，屏恬隆驟，倏眴且鈞，各職先後。僉曰

皇獲鹿蹌矣，驤矣

皇作賦買矣，碩矣

簡河文鈔 卷一

六

皇之萌莫不懲安于酖，而作氣于闕矣。言觀其旂旣食其德，用樂其時，載賦其態。方夫嶄崱千山，樾倂萬木，天霜栗烈，以凍空。夜雲蹉跎，而蔽日。人行則墮葉琅玕，哨吹則犇蹶躑躅。午駭于叮嚀之場，似慕于磨麋之屬。爾其環角外，向兮背中，呼睛注萃，而遲遲顛戴玉，而趨趨呦求友，而速跡閃億敵，以走踰。若迺屏息，劉荏猗，騎龍嵒，巖巖月送明谷，籟候楚佗神取，而聲授闔枝，脩而脩，踊紛難得于百一，羌寶貴而愈重，所以

皇克禹勤

天錫湯勇，蓋欲昭天下以金。玉英之

聖人其以勞自董也。如是夫固踴躍乎三驅，而從從一面而容容者也。爰有石戶之農，麥邱之老，仰而歌曰：石壁未明，月胸眺兮。舜與鹿遊，日月抱兮。匪日之出我

皇之明，瞰兮。又歌曰：農中巖兮，老中鳴兮。昔

皇帝來狩兮

皇帝來狩，匪鹿之好。曰孝道兮，于是黃伯鳥獲之倫，腰芙蓉之金鉞，首鷄鵠之朱冠，相和而歌，鏡吹之篇曰我

簡河文鈔 卷一

七

皇神武飛天，龍手摩玉，劍弓兮彤大白，小白法

太宗獨騎赤汗，踏嚴冬，雞跼蹙，鼓搥，鑿空山

帝到神靈從，麒麟先路，師子並白鹿，仙騎行，蹀躞金

哨呼夜鳴，離離圍以正，取哨奇攻如吹鳳凰，雌

雄，筒與伏，應鹿文王同呼，聲動天

帝還宮，瞰東方出扶桑，紅乃有陽乘，執研雄固操，觚

幡然而進，贊曰美哉

天子之爲此樂，無央也。其始發也，閃眳兮，燭龍張舌

裂眦出，光日珠月珪兮，星麻垂其少，沮也，窳

崑兮，閔不見人若濛，汜滯波而腹大，陽其類召

而轅也徑徑林林姓姓蹢躅音千秋之頽葉而
化黃金兮跡其上而不僵其得雋而可喜也若
白鳥通於聲青鳥忘于機兮歟歟兮百靈輸其
福祥雖高計與翳經羌瑰琦而芴芒固至神之
馭物咸盡性乎我

皇然後上魁下能左師右傳拜手稽首而作頌曰於
鑠

皇清得鹿以義先王講武非從禽是戲獸有圃草職
于虞司秋肅冬結

皇帝有事古田法園哨備今制呦呦濯濯咸樂

簡河文鈔

卷一

八

帝意在周卜彫大獲師至文侯出虞示信于魏曰師
予

祖德信子民志文慎不武安慎不怠惟子孫無極敢告
萬世

後哨鹿賦

客有問於大夫曰蓋聞陶唐坐衢室而廣身來
宮有虞氏恭已阿閣而鹿遊於山泉乎周興小
雅大雅繼之而傳故園咏濯濯之儕野歌呦呦
之羣夫聖人者有其德矣而諸福之物協符香
瑞其來員員方其盛也不東而蒼鵲連蜷以上
旌不西而素麟婉俾以下駟未嘗行乎南朔而
朱鳳翻地角元螭歟天門也是以神不疲而物
莫不興智不煩而物莫不存力不勞而物莫不
安今且將冒玉體而較霜霧馳金輿而攀嶠峴
儻恍墮蜉蝣躬親其中以與羽林壁壘之士進說
哨鹿之事以爲權竊謂非聞都吁於伊媯陳保
定于典章者哉大夫曰嘻若客之說所謂執秋
樵而議大椿引夏蟲而語飛雪曾無論乎千里
與八千歲而三隅不可以一絜也子獨不聞我
皇清之興東方乎

太祖以功立

太宗以德同十三甲堅大小白良以跋涉山林用咸若
乎鳥獸于時皇天錫以醫無閭之北藪曰蒼萬
世惟武事是襄昔者明失其鹿天下拮之說

簡河文鈔

卷一

九

世祖角之得其大首克饗宗德遂受萬國用是肩股乎
衡恒而喉嚨乎終華心腹乎洛室而煩幣乎代
家蓋有天下百有餘年

聖子

神孫炎炎施施而永嘗一日忘大武之志金矢而珣
戈也今

天子樹日月之羽飛龍鳥之旂彈玉虎羅金鉤以晨
夕而淵思曰予不敢晏而娛以弛予

祖考之武事維時天地令曰成冬

皇帝開軒以納不周之風七萃六軍殄發霆興以竝

簡河文鈔

卷一

十

乎陪京而東乃獲鹿於高嶽大陵也夫其下嚴
寒之寥慄索重山于綺廡夜未央而無譁人連
騎而不見千年密林上叫鵲鳴墮葉幡纒炊風
亂暮中瞰磨震以騰倚呼北壯而相飯厲長哨
以裂雲嶺蹄遂而角進呀駭走而投受儼異類
其賁獻所謂蒼百靈以隄三驅而猶狂鸞魁倏
趨而竄夫迺知八荒九麓時有或不脫人有或
不逮而
聖人方以爲八鸞於是麟而四明於是麟者凡以率
德而聽訓躬艱難而教行陣也

至尊雖勞烏可以請閒云爾哉且夫神龍嘘而成雲
騰而出入金石至靈者之跡也

天子之中孚則及豚魚其教則可以馴驅虎亦

至聖者之觀也夫速者鹿跡決驟者鹿之性食則分

背而居則環角鹿之警防而好儆也故詩曰麋

鹿攸伏傳曰與鹿豕遊皆言神明之德上配乎

皇天然後五事之祥無所不致而萬物之智無

所不周僕雖未觀其深竊嘗原其所由若乃黠

者電避駭者雲迎辱者似陂陀悍者似嶢嶠千

態億狀靜視與聽灼若殷火之洞觀而周鏡之

簡河文鈔

卷一

十二

照形然後天下知

天子之明又如來角可憲去趾不啗逢養不藉以巧

鍛獲賁無取以力搏方其呼吸得失情冽嬰散

姓姓之倫擬議而不得安俄焉還御塔焉空山

然後天下知

天子之仁至於百萬無士一二虎旅熊留衛匡虎驅

行所龜匪蹙而躐麋尾猶生而捉塵想山靈平之

夜驚赤日綴其崑崙三光正藏星大小數然後

天下知

天子之武況夫歌燕稍而馬赭摩蒼崖而龍螭蟄倉

大海銀角上園凌雲不足賦其雪峙雕龍不足
辨其瓊痕與神仙而騎驥頌君子於萬年然後

天下知

天子之文爾其邢岐有原本之樞天地有恒久之道
所以秋獮冬狩蘋湘荷芰日月照天而憂厝火
飲食飫庭而哦魚罩非即鹿從乎无虞而奮衛
本於揆教夫非講以農隙荒其山高者乎然後
天下知

天子之大聖而孝由此五者古今至德之所選萃也
皇哉美乎哨鹿備矣是故舜以至孝而象擢禹

箭河文鈔 卷一

三

以至明而黃龍負成湯以至仁而蛛蝥祝文以
彰獲武以蒼兕狩維我

皇之至德請陳義於斯右

聖謨廣運平定準噶爾賦

維

大清受命

列祖

列宗天幃地垠日月之中四海之外我臣我隸今

土卽位以來修舉典制謁

三陵幸闕里登東岱巡乎大江之南以省問民事西南

平金川東北蒙古諸部悉爲內藩

天子歲嘗冬狩木蘭所以講武而威

天顏焉近則俄羅斯高麗琉球安南數十國之屬奉

箭河文鈔 卷一

三

朝受贊遠則西洋之域槎海睇日者以數萬里
計莫不循東風謹方物十年而一受吏

皇帝曰嘻上下兩間孰不予臣惟西荒準噶爾實有

元之臣僕據西極之沙鹵策妄策凌世惡誇詡

遠作不靖爲邊萌苦昔我

皇祖聖祖蓋親征三駕其部

皇考世宗所以命將出師欲殲其魁犁其庭而翼其子

也粵

二帝未克翦之志付畀其在予予一人念之二十年一

日其敢暇夫其道里之寥廓臨海三三中央宣

瀰漫以秋春草木失其青黃飛鳥下啄而譙羽
鼻獸索飲喝趨而狂義輪下燒乎空磧水泉涸
而不揚平沙汨其千里仰天蓋之茫茫內屬龍
堆外薄蔥嶺樓蘭車師取道越境負康居而擁
大宛敞克五色天馬之影其俗控弦耆酒而猛
域中萬里有衆四部台吉宰桑逐水打牲各治
處所僞聊走徙剽若風雨人不知信背欺面詐
蠢爾抗衡利我寶貨天侈其心井蛙自大蓋自

仁皇

憲皇秉白鉞杖黃鉞方有夫驕黠絕遠之誅乃彼昏不

簡河文鈔

卷一

四

知兵在其頸而充自活也人之興妖鬼神助之
于是喇嘛達爾札以孽子行逆達瓦齊以亂臣
竊據哈薩克之師掠其邊場噶爾丹多爾濟之
衆守其部署渠魁涵醉禽曲惶悚迷鹿昏烏顛
倒跳竊以故台吉車楞車楞伍巴什等暨阿睦
爾撒納等去逆效順畏蜺忻雨欵關而籲乎

上國者萬有餘戶

天子曰咨其厚勞來者朕將享之熱河以親決所便
宜惟十九年秋七月

皇帝至于熱河受降者朝于是蘇離附壘之屬輿韃

竊匿之曹雜還歡喜爾呀詰聲名王兀其屏息
撞大鑪而伐磬導臚列而拜舞循鉅砌而上高
場

天儀于咫尺步震恪而不踣赤日瞳其照心敢自外
于荒要降侍燕而醉飽樂無涯乎所遭曰
天子其福我願先驅而負駿乃用

錫命乃資赤輶于喀爾喀處其部率渺雄畧與大度
咸推心而置腹九月

皇帝有事于

三陵而躬默禱出師于

簡河文鈔

卷一

十五

列祖之寶號謚思精意神明周流陟高山而降原想風
雨之未收手若摩乎弓矢侶乘翠黃其來遊目
若疑乎望洋耳若提乎貽謀曰元孫其上告在
西戎之巨酋彼紫薺其部人

皇天赫其鑒劉繫世擾我藩籬固

列聖之所雋獮毆鱗其云集獸第豺而全投請洗兵以

救焚紹我

祖之用休然後六飛翾翾回輿乎京師

天子曰嘻自準噶爾逆亂不道數十年于茲厥野楷

魚牧有獍鴟

皇天命朕中外稱制實惟五刑之罰九伐之瀉在我其出師誅厥大憝以救頌黎爰

命將軍標西北而竝進以其來者爲副將軍授之節鉞致敵而前參贊諸臣左右厥功謀成勇發騰攫虎蹲輝輝焯焯天兵出關於時軍容之所叱搗師行之所經涉霆聲電芒摩拂歎歎騎以龍文魚目之馬被以文瑋通犀之甲利乎娒羌鄴善之鐵險乎懸度風災之岐凡夫西戎長技之所恃于焉倔彊老蓋我師不煩勞而戰奮而況乎

詩河文鈔

卷一

七

天廟之算神武之籌卽用其人以決其捷所以有征無戰問罪人而弔國邑固豁然彼醜之若兔蹄而豚苴也爾其師律所向闔闔廣張地鼓鳴而裂堅天鑪燒而照空呼三軍而作氣雪嶺蒸其中通長途慈以飲馬嚼流沙而行康莊先聲嚆而動九天瞰投戈乎烏梁繞兔嶺而踰索爾驪凍雪而不僵聿二馬木特之所鵠蚌門而相戕我軍闔其探穴拔兩猛乎屈雙迺遣壯士賁詔馳重驛而告令曰我誅其敗羣而牧夫牛羊嚆來者爲我貌貅而用執爾貪狼遂腹乎噉爾丹之

部其台吉來效忠願出兵以載藥鞭處者擾而

不藏乃有額林少年兄弟宰桑暨和卓木之戶捧玉盤而踞踞三股于俘寶獲其人之尤良是時大軍蓋莅乎五集賽也聞酋首其酒荒咸厥角而饗前旗狀飛霞沃乎沸湯村布錫而駢庫特擒賊使者以降蠶大蠶其行野靡乎博羅之源而塙山梁陞隘業巖萬里空濶寶露雀穗所過飢渴覆冰而暄肉骨而活噉絕域就乎熟路廣袤險易若作甘霖而滿蟻穴惟羅卜藏丹津昔青海之叛藩敢迪逃而煽敵不卽誅者三

詩河文鈔

卷一

七

十餘年日轂下馳螭臂力殫一蜨二螭投身轅門將軍執之檻車送行有巴朗之二醜鴉在林而忽飜閃列缺以下搜炤三窟而收游魂罪人纍其既得焯萬軍而譁譁粵以二十年五月朔我師直抵乎伊犂諸部台吉率先爭來自河之南極河以北杖戈服劍面東背西咸願出兵執達瓦齊喇嘛回人黃弁素佩牽羊昇酒除塵進灑台背黥額婦子稚孩踰躑左右日夜我侯以故皮幣壺漿之誠顏色嚙嚙之態歷清日潔諒諒熙熙若民生不知挾夫弓矢而謳喏爾爾今

日廼見

天子之德威於焉掀六幕羣九塊五精握兵風與雲
滌妖鳥困而踟翅狂獸窮而側掌撼霞幡而懸
月鏡光不逃乎魍魎空漫漫其失路上直視而
目矐山林穢其駭人俄藏身而疑影甘自首而
怯內懼高厚而俛仰夜砲鼓其乍轟萬馬嘶而
脫鞅蜉蝣其墜心羣羣潰分而不黨遂蠹收其
毳幕而俘其少長彼達瓦齊迺蹢躅躑躅迷穴
伏莽走和集斯伯克斯乎橫江之鯨遮而投網
曰俯取以燎而我用休享夫其出師半載以往

笥河文鈔

卷一

六

戎衣不更綻師糧不數餉唐弓夏箭未嘗抽長
戟利矛未嘗盪韜策之士無所發其奇賁育之
倫無所試其勇而自東行西萬里大廣下刻土
版上列宿景植之藩屏丁其祿襪惟

皇帝神靈被格古無以上意者天將轢矯德而屈嬖
奴跡而昉也大捷布聞四遠照曜于焉鸞輅和
雞人唱大禮盛樂鏗鐃旖旎用告成功于

太廟羣臣同聲請上

尊號

皇帝曰都子仰惟

祖考明德非常之功自遠來告非于一人之方羣臣歸
德于子朕思思焉惟

皇太后聖德自天所極東西南北輪廣取旺罔不心服
矧西戎萬里近在九譯者哉朕臨天下亦惟蚤
夜祇受

皇太后之教用集大烈如天之福其崇上

徽號以展朕意羣臣咸頓首曰俞哉

孝德六月己酉

皇帝躬至于

壽康宮奉上

笥河文鈔

卷一

六

寶冊鉅典焜煌仗列華焱羣臣次進升歌樂治

御太和殿拜舞在職于焉冠佩之容鼓吹之節呂導

呂迺春麗山肅上乎天安之門翥金鳳而詔萬

國

詔曰五嶽四瀆帝王之藏命官致祭出師諸臣嘉乃

偉烈其爵賞以次中外在事諸臣汝勞用敘京

師文武百職事有晉級有加賚越歲秋奉試天

下士其廣中式者所在錄囚輒減赦其罪禁嚴

讞免逋貸存問無告恩典三十與天大治然

後按釁鼓之律考彙衍之制軍以俘獻于

社廟

天子御午門而荷馮繫頸施佩牽入十步擬鉦鳴鼓
百僚咸在司馬上請曰司冠是司所召昭示誅
宥惟

帝所置莫不跂然而觀達瓦齊之俘至曰偉哉今日
大武之裔皇而鉅典之加賦也由是崑崙之西
身毒以外思慕威德咸請屬隸握江歷之珠璣
獻壽林之蔥翠師子大雀四靈之瑞古黃茲白
萬里之騎玉門竄金天崇陳幣自日入所溯日

笥河文鈔

卷一

二十

所出以騰驤于郵驛者灼爍乎其相繼于斯時
也百年見虞樂周禮之興六職由文事武畧之
選四民以十言五教爲常九海以丹甕白瑋爲
近由榦而枝高末一本而况

天子黃幄獨斷萬里之外以運未嘗貫一鐵柴一鋒
者奇功也奉

皇太后讓善崇名敷共文教至以窮髮之北爲玉食地
供娛色笑古者以天下養安得較乎此大孝也
天下由是崩然而稱曰巍矣極矣莫與則矣而
皇帝方淵然雲牖練臍蠻醞假之是卽與夫

列祖

列宗所以震思默者方且察顯珥圖鉅之訓慎

山垤之戒而陳有坐之器旁求芻蕘之得日
星皇而所其無逸夢攸卜猷而箴于有位哲
大穗輪共祥而一夫勤乎爾躬白麟奇本昭其
應而四維凜乎朽索左詩右書請金履玉乃
夫庭堅伯翳之儔日月朝夕相與勗郡俞而
吁咈若此乃所稱

至德也曰三至善而不居遵皇極之正路用垂則于
世世在金版與玉鏤惟小臣之蠶測爰珥筆

笥河文鈔

卷一

廿一

奏賦

聖謨廣運平定準噶爾恭紀四言詩百韻 代弟珪作

臣伏見

皇帝陛下六龍時乘德與天一四表兩間無不周漑御極以來奉

皇太后再巡

盛京謁

三陵展孝思東升泰山

幸闕里以祀孔子南巡江浙

躬省民事皇哉大禮備物未嘗有也金川小蠢即殄

即平乃者準噶爾部僻處西荒世其凶德

簡河文鈔

卷一

三

皇祖

皇考張申捷伐不訖于誅天厭厥類其孽子喇嘛達爾

札暨亂臣達瓦齊更相篡竊虺蜴荼蓼厥部離

心時則台吉車楞車楞伍巴什等暨阿睦爾撒

納等數十萬戶敏關乞降

天子為幸熱河莅而享其人既沃謹呼同請効命

皇帝神謀天斷乘時發機乃

命將軍出師討之即用其人導師前行西北兩路同

日迅發千軍萬騎馳越乎瀚海若駭沸雪左風

剌草自克烏梁海至于阿爾泰山梁河之數十部

落台吉宰桑厥角恐後我師入于伊犁降青

叛人羅卜藏丹津及其二子又獲通僧巴朗孟

可等悉俘以來師涉伊犁河而西標山毗川掃

閭蹈壘用夜入其郭立土營戢兵負山面渾

相驚蹂追擒其帑屬部人達瓦齊以其子及

十人走和集斯伯克克之以獻捷聞

皇帝躬至

太廟徧告

郊

社

簡河文鈔

卷一

三

山陵越名山大川羣臣請上

尊號不許乃以吉日加上

皇太后徽號爵勲賚功周布

恩澤與天下大釐俘至獻于

祖

社

皇帝登午門以觀辰旂豹罕球鏞鐃鼓飛揚鏗鉦百

秩敘進咸頓首賀臣伏念易稱高宗殷之盛天

子其伐鬼方三年而克之若是難也小雅諱人

欲張大宣王之功曰薄伐玁狁至于太原為

荒微絕域之辭所以震蕩心目刻畫金石然或遲之三年之久近在晉國之地猶且照耀方冊其烈燦然至古所稱王者之師不戢而屈人萬里之外蓋有其言而無其事今進噤爾云

京師尚不啻萬里出師不逾二時不見一鋒一鏃之遺而大功克奏聞師入伊犁之日椎髻之婦未亂之童望我旗纛若慈父母惟

皇帝陛下神聖文武天之所授日麗霆發靈雨甘百神效職惟所左右誠非尋常所得擬議萬一者也臣謹作四言詩一篇竊欲準古經義渾思

筭河文鈔

卷一

四

極精所以導揚

天子之光明式于世世其詩曰

皇帝聖德自天受授風霆在左雨露在右惟十四年

蜀徼蠡聚煽其蠹賊內訌外熾

皇帝命相一撻十仆父子而縶乞命邊埃準噶爾部

西極是守人孰信義若羣鳥獸

聖祖獵之朔漠三狩

世宗命將再彈再鼓策凌有子非種而教不如鳥鼠同

穴相門是召亂臣達瓦齊冠通名

天朝不自寢陋甘其下人以飽鴟噉諸部瓦解呼天

內附

厥長

皇帝曰嗟汝遠無告宅汝予所飯汝予糗享之熱河

賜綬咸拜獲命死曷以報
皇帝曰吁渠魁可宥將軍出師來者爲副伐罪去疾往哺而穀十九年秋

帝謁

祖考以禱出師惟

列聖祐天策既發西北兩道師行三十其里萬數乃濟

詔書壯士馳驟所過部落山川嶮岫譯長宣布咸使

筭河文鈔

卷一

五

無驚

王師駭鹿激驚乃聞乃來若渴飲耐跋海踰嶺乘風

是蹂台吉朝迓宰桑晏侯奉上玉盤膜拜獻

弋不舍牲耕不墾台背而扶垂髫而走草榮

木長雞拊犬噉後我

王師躍踴遙迤旆旆大纛長途不留天風吹颺五綵

繪繡沙漠萬里如行中雷無警其營無頓其宿

不戮一人不遺一鎗直抵伊犁諸部盡收連餽

既繫叛藩自首賊酋無所竄伏小把大兇